



Isalathiso: 20201012-8697
Inombolo yefayili: 3/3/3/1/1
Imibuzo: Kwiziko leeFoni

INGcaciso eMfutshane yeCandelo loLawulo lwaBasebenzi ngoBuchule: 0007/2020

Iya: KumaSekela Balawuli-Jikelele, kuBalawuli abaziiNtloko, kuBalawuli, kumaSekela Balawuli, kwiiNtloko zokuNika iNkxaso kwiKharityhulam, kuBaphathi beeSekethe, kwiiNqununu nakwiiNtloko zamaziko emfundo

Isihloko: Uqeqesho nokuqaliswa kokusetyenziswa kweMvumelwano yoThetha-thethwano nemiButho yaBasebenzi No. 2 ka-2020 emalunga neNkqubo yoLawulo lomGangatho (QMS) ukwenzela ootitshala abasezikolweni

1. INGcaciso eMfutshane yeCandelo loLawulo lwaBasebenzi ngoBuchule 0002/2020 yowe-11 Februwari 2020 eyayisingathe "Uqeqesho nokuqaliswa kokusetyenziswa kweNkqubo yoLawulo lomGangatho (*Quality Management System*) (QMS)) ukwenzela ootitshala abasezikolweni imalunga noku."
2. Ngenxa kabhubhane i-Covid-19 nemiqathango ekudibaneni kwabantu (*social interaction restrictions*) ebekwe kumanqanaba ahlukeneyo okulumkisa (*alert levels*), uqeqesho lootitshala abasezikolweni kwiQMS alubanga nako ukuqhubeka njengoko kucwangcisiweyo ngo-2020.
3. Okweli thutyana, amaqela othetha-thethwano emibutho yabasebenzi e-*Education Labour Relations Council (ELRC)* agqibe ekubeni iMvumelwano yoThetha-thethwano nemiButho yaBasebenzi No. 2 ka-2014 mayitshitshiswe kungene endaweni yayo nge-17 Septemba 2020, iMvumelwano yoThetha-thethwano nemiButho yaBasebenzi No. 2 ka-2020 emalunga ne-QMS ukwenzela ootitshala abasezikolweni.
4. Le mvumelwano ifakelwe izilungiso iyamkela ngokusemgaqweni inkqubo eqaliswa ngokwezigaba ngezigaba (*phased-in approach*) ekuqalisweni kokusetyenziswa kwe-QMS ngolu hlobo lulandelayo:
 - 4.1 Le mvumelwano iya kuqaliswa ukusetyenziswa ziinqununu ukususela ngowe-01 Januwari 2021 ukulungiselela bonke ootitshala abasezikolweni iqaliswe ukusetyenziswa ukususela ngowe-01 Januwari 2022; yaye
 - 4.2 Uqeqesho nokuxhotyiswa ngezakhono kwabasebenzisi be-QMS makwenziwe ngolu hlobo lulandelayo:
 - a) Iinqununu ukususela ngo-Oktobha ukuya kuDisemba 2020; baze

- b) Bonke abanye ootitshala abasezikolweni ukususela ngoJanuwari ukuya ngoDisemba 2021.
5. INkqubo yoLawulo lomGangatho eHlangeneyo (*Integrated Quality Management System*) iseza kuqhubeka isetyenziswa kootitshala abakumanqanaba ezithuba 1 – 3 ngo-2021 njengoko ukuqaliswa kokusetyenziswa ngokupheleleyo kwe-QMS ngabo bonke ootitshala kuya kwenzeka ukususela ngoJanuwari 2022.
 6. Bonke ootitshala abasezikolweni naBaphathi beeSekethe mabaqaphele iMvumelwano yoThetha-thethwano nemiButho yaBasebenzi yeQMS efakelwe izilungiso No. 2 ka-2020 namaxesha amiselweyo ayo oqeqesho nokuqaliswa kokusetyenziswa ngokwezigaba ngezigaba kwenkqubo yayo (*phased-in implementation*).
 7. Iinqununu zezikolo mazisayinele imvumelwano yesicwangciso somsebenzi (*work plan agreement*) naBaphathi beeSekethe ekuqaleni konyaka ngamnye, ukuqala ngoJanuwari 2021.
 8. Ngenxa yemeko yeCovid-19 ngoku nokunciphisa iindleko, iSebe leMfundo leNtshona Koloni liya kuqhuba uqeqesho nokuxhotyiswa ngezakhono kootitshala ubukhulu becala nge-intanethi kwiQMS, apho kunako.
 9. Ikopi yeMvumelwano yeQMS yoThetha-thethwano neMibutho yaBasebenzi No. 2 ka-2020 iyafumaneka kwiziko lewebhu le-ELRC yaye inokukhutshelwa (*downloaded*) ngale linki ingezantsi
https://www.elrc.org.za/sites/default/files/documents/QMS%20for%20School%20Base%20Educators_compressed.pdf
 10. Kucelwa kuqatshelwe ukuba imvumelwano ye-QMS efakelwe izilungiso ayisebenzi kwiitheraphisti nakwiisayikholojisti zemfundo ezisezikolweni. La magosa aya kuqhubeka nokusebenzisa iMvumelwano yoThetha-thethwano neMibutho yaBasebenzi ye-ELRC No. 4 ka-2005, de kubuye kwaziswe kwakhona.
 11. Apha kuqhotyoshelwe ileta esuka kwiSebe leMfundo esiSiseko likazwelonke, yowe-01 Oktobha 2020, ngokunxulumene noku, ukunenzela lula.
 12. Kuya kuthakazelelwa kakhulu ukuba le mbalelwano imalunga ne-QMS yaziswa onke amagosa achaphazelekayo ukuze ayithathele ingqalelo.

ISAYINWE: NGU-LJ ELY

USEKELA MLAWULI-JIKELELE WEENKONZO ZEZIKO

UMHLA: 2020-10-16